



*Al Madina
Masjid*

La Rue Moka
(Old Moka Road)

Publication
No.: 3

**Tayammum
Istinja Et Istibra**

PAR LA DIRECTION

Distribution Gratuite

Ramadwan 1437

Tout gloire, louanges et remerciement à Allah (ﷻ) et darood Shareef lors So meilleur de tout créatures Hazrat Habeeb Muhammad (ﷺ). Islam c'est ene religion ki li facilite nous dans nous purification. De ce fait, kan perna de l'eau (sous certaine condition), nous capave fer Tayammum. Dans sa livret la nous pour aussi gueter ki Islam préconiser kan nous al toilette pour nettoye nous et purifier nous.

Allah dire dans **Qur'an surah 5 ayat 6** : ' ... et si zot malade, ou en voyage, ou ene parmi zot fine sorti fer so besoin, ou zot fine gagne relation avec madames, et zot pas gagne de l'eau, alors fer tayammum avec la terre ki propre. Fer massah lor zot figure et lor zot la main avec sa. Allah pas envi met zot dans difficulté mais Li envi purifier zot et complète So faveur lors zot pour ki zot montrer reconnaissance.'

Aussi, kan nous ale toilette, si tant li important pour nous nettoye nous bien ki li mentionner dans Swahih Bukhariy (Livre 4, Hadith 84) ki Hazrat Ibn Abbas (رضي الله عنه) dire ki le Prophète (ﷺ) ene fois ti passe kot 2 qabr et li (ﷺ) dire : 'sa 2 dimounes la pe être torturer. Zot pas pé être torturé pour ene grand péché. L'un d'eux pas ti pé protège li contre urine'. Donc, couma nous pe trouver li extra important pou nous garde nous propre même avec utilisation de Tayammum et aussi kan nous ale toilette. Nous demande du'a à Allah pour augmente nous 'ilm et pour ki nous gagne hidayat par waseelah So Habeeb Muhammad (ﷺ) pour nous pratique nous deen li maximum possible.

Joignez nous sur Facebook : Al Madina Masjid La Butte

L'histoire de Tayammum

Dans Swahih Al Bukhariy Hadith 334 (Livre 7 Hadith 1) li mentionner ki Hazrat `Aisha (رضي الله عنها) fine dire: ‘Nous ti sorti avec le Messenger d'Allah (ﷺ) dans ene de so ban voyages jusqu'à ki nous fine arrive Baida ou Dhatul-Jaish, ene collier pour moi fine cassé et perdu. Donc, le Messenger d'Allah (ﷺ) fine reste la pour rode li et ban dimoune aussi fine fer pareille avec li (ﷺ). Pas ti ena de l'eau dans sa place la, alors ban dimounes fine ale kot Hazrat Abu Bakr Siddiq (رضي الله عنه) et fine dire: ‘Eski ou pas fine trouver ki Hazrat `Aisha (رضي الله عنها) fine fer ? Li fine fer le messenger d'Allah et ban dimounes reste là kot perna de l'eau et zot perna de l'eau avec zot.’ Hazrat Abu Bakr (رضي الله عنه) fine aller en même temps ki le Messenger d'Allah (ﷺ) ti pe dormi avec so la tête lors mo la jambe, et li (Abu Bakr) fine dire moi: ‘to fine contrainte le Messenger d'Allah (ﷺ) et le peuple kot perna de l'eau et zot perna de l'eau avec zot. Donc, li (Abu Bakr) fine crier avec moi et li fine dire saki Allah ti envi li dire et li ti pe donne moi coup de coude lors mo flanc avec so main. Narien pas ti pe fer moi bouger (mo pas ti p bouger) parski position du Messenger d'Allah (ﷺ) lors mo la jambe. Le Messenger d'Allah (ﷺ) fine réveiller à l'aube et pas ti ena de l'eau. Alors Allah fine révèle verset lor Tayammum, donc zot tous fine fer Tayammum. Usaid bin Hudair fine dire: ‘O la famille Abu Bakr! C'est pas premier fois ki gagne bénédiction depuis zot’. Li (Hazrat `Aisha (رضي الله عنها)) fine dire : ‘Alors le chameau lors lequel mo ti été la fine être déplacer depuis so place, nous fine retrouve collier la en bas li.’

Comment Fer Tayammum

1. Niyyat pour Tayammum (أَتَيْمُّ لِرَفْعِ الْحَدَثِ) –
(Atayammamou li raf' il hadath)
2. Dire (بِسْمِ اللَّهِ) (Bismillah)
3. Frappe les 2 plat la main lors la terre, du sable etc
4. Si fine gagne beaucoup la terre, frappe 2 pouce ensemble
5. Passe 2 la main lors figure (couma dans wudhu)
6. Fer khilaal la barbe
7. Refrappe la main lors la terre
8. Fer massah lors les bras – a partir boute les doigts les 2
mains jusqu'à 2 coudes
9. Fer khilaal les doigts

Fard Dans Tayammum

1. Fer niyyat dans le Coeur li Fard. Fer niyyat lors la
bouche li meilleur
2. Passe la main lors entier figure couma dans wudhu (fer
khilaal la barbe)
3. Fer massah depuis pointe les doigts jusqu'à coude (fer
khilaal les doigts)

Actions Ki Casse Tayammum

1. Tous actions ki casse wudhu casse tayammum
2. Tous actions ki rendre ghusl waajib casse tayammum
3. Kouma gagne de l'eau, tayammum casser

Avec Ki En Droit Fer Tayammum ?

1. La terre propre
2. La poussière
3. Du sable
4. La chaux
5. Sourma
6. Roche
7. Brique
8. Marbre
9. Perle
10. Diamant
11. Pierre précieuse (Même si fine lave zotte et perna la poussière lors zot)
12. Tout kitchose ki pas bruler et vine la cendre
13. Tout kitchose ki pas fondre ou vine molle dans chaleur

Avec Ki Pas En Droit Fer Tayammum ?

1. Du bois
2. Ferraille
3. L'or
4. L'argent
5. Cuivre
6. Métal
7. Charbon de terre
8. Papier
9. Nylon
10. Plastic
11. Mais si lors sa ban item mentionné en haut la ena la poussière lors zot et si frappe la main lors la poussière la, gagne trace la main, alors capave servi sa la poussière la

12. Tous kitchose ki capave bruler

13. Tous kitchose ki capave fondre ou vine molle dans chaleur

Masla Lors Tayammum

1. Si ene dimoune pas capave servi de l'eau frais pour Tahaarat mais li capave servi de l'eau chaud, alors li pas endroit fer tayammum
2. Si perna de l'eau chaud alors li gagne droit fer Tayammum
3. Si de l'eau fer du tort ene dimoune so la tête, alors li fer ghusl jusqu'à li cou et li fer massah la tête
4. Lors n'importe ki parti le corps kot pas capave servi de l'eau a cause la santé, alors fer massah
5. Si massah aussi fer du tort, alors met ene linge lors parti la et fer massah
6. Si pe fer si tant frais ene dimoune capave perdi la vie si li baigne avec de l'eau frais, alors li capave fer tayammum (bizin perna aucaine moyen pour chauffe li après ghusl)
7. Si perna de l'eau dans ene rayon 1 mille, capave fer Tayammum
8. Si ene dimoune kan li pe rode de l'eau et li risquer ratte ene bus ou transport, alors li capave fer tayammum
9. Si ena danger dans place cot pour ale fer ghusl ou wudhu (couma ene l'ennemi ou zanimou sauvage) alors li capave fer tayammum
10. Si ena puits de l'eau mais perna moyen pour tire de l'eau alors li capave fer tayammum
11. Si ena de l'eau juste pour cuit manger et pas pour ena pour wudhu ou ghusl, alors servi li pour manger
12. Mais si capave mange cari sec et gagne de l'eau pour

wudhu ou ghusl, alors pas fer tayammum mais servi de l'eau

13. Si ena si tant malpropreté lors linge à tel point ki bizin nettoye li avec de l'eau pour capave fer namaz mais ler la pas pour ena de l'eau pour wudhu ou ghusl, alors fer tayammum
14. Si ene voyageur li bizin fer wudhu ou ghusl mais li ena de l'eau juste pour boire ou les autres boire et perna encore de l'eau lors la route, alors li capave fer tayammum
15. Si ene dimoune ena juste de l'eau pour li fer wudhu et ene 2eme personne bizin de l'eau pour ghusl, alors 1eme dimoune la fer wudhu avec de l'eau et 2eme dimoune la fer tayammum pour ghusl
16. Si perna de l'eau ordinaire mais ena de l'eau zamzam, alors li pas endroit fer tayammum. Servi de l'eau zamzam même.
17. Si ene dimoune si tant li en retard ki si li fer ghusl et wudhu li pour rate namaz 'id, alors li capave fer tayammum
18. Si de l'eau pe vendre trop cher dans place kot li eter, alors li capave fer tayammum
19. Si ene dimoune ena pour voyager mais si li acheter de l'eau pour wudhu et ghusl li pas pour ena l'argent pour so voyage, alors li capave fer tayammum
20. Si ene dimoune pe dormi dans Masjid et fine arrive ene situation kot li bizin fer ghusl, alors couma so sommeil casser li bizin fer tayammum et après li ale fer ghusl.
21. Tayammum pour ghusl et wudhu li pareil
22. Ene madame bizin tire so poullie kan fer tayammum
23. Bizin enlève tout bijou avant tayammum
24. Bizin fer khilaal les doigts et la barbe

25. Bizin perna aucaine signe de malpropreté lors item ki servi pour tayammum
26. Si ena urine enfant ou animal, même si li pas paret, pas servi sa la terre la pour tayammum
27. Gagne droit fer namaz dans place la mais la terre la perna qualité (assez critère) pour purifier ene personne par tayammum
28. Bizin juge qualité la terre la avant servi li pour tayammum
29. Pas endroit fer tayammum dans l'esprit, par la pensée.
30. Ban madame bizin retire zot ban bijou pour fer Tayammum.
31. Si ena ban madame ki fine met teinture, alors zot bizin retire / gratte tout.
32. Li permettre pour fer plusieurs Swalaat avec ene Tayammum sous condition ki pas fine gagne de l'eau même.
33. Plusieurs dimounes capave fer tayammum avec la terre ki fine servi par ene lot dimoune pour Tayammum. C'est parski la terre, du sable etc ... pas vine musta'mal (fine fini servi / serviable).

Istinja et Istibra

Dans Qur'an Allah pe dire dans **surah 9 ayat 108** : '... la dans ena sa qualité Insaan qui content vinne paak et Allah content ban qui fer zotte même vine paak ...'

Dans **Sunan Ibn Maajah Livre 1 Hadith 383** ena mention ki Hazrat Abu Ayyoob (رضي الله عنه), Hazrat Jaabir bin Abdullah (رضي الله عنه) et Hazrat Anas bin Malik (رضي الله عنه) fine dire : 'kan sa ayat la fine descendre, Rasoulullah (ﷺ) fine dire : oh ban ansaar ! Allah fine fer zot éloge concernant

Tahaarat. Alors, dire ki zot Tahaarat été ? zot fine répond : nous fer wudhu pour fer Swalaat, nous fer ghusl pour janaabat et nous servi de l'eau pour fer istinja.' Le prophète (ﷺ) fine dire : 'ca li bien bon coumsa. Et tout les temps met sa en pratique''

Li nous devoir nettoye nous bien kan nous ale toilette. In Shaa Allah nous pour publier ene lot livret lor ene serie de ban du'a ki nous capave lire tout les jours. Pour le moment nous explique lors concept ki ena derrière Istinja et Istibra.

Istinja c'est tout étapes kan nous ale toilette et kot nous pour purifier nous / nous nettoye nous avec de l'eau.

Istibra c'est ene action kot nous retire ou nous fer en sorte ki dernier goutte urine sorti pour ki nous linge pas sale après.

Comment fer Istinja

1. Retire tout kitchose lors ki ena nom Allah et So Rasoul (ﷺ) et ayat Qur'an avant rentre dans toilette.
2. Couvert la tête avant rentre dans toilette
3. Mettre ene savate ou soulier. Pas rentre nu pieds.
4. Récite du'a (اللَّهُمَّ إِنِّي أَعُوذُ بِكَ مِنَ الْخُبْثِ وَالْخُبَائِثِ) (Allaahoumma inniy a'oudhou bika minal khubthi wal khabaaith) avant rentre dans toilette.
5. Rentre avec li pied gauche
6. Pas fer face Qiblah ou pas donne Qiblah ou le dos
7. Assizer pu uriner. Pas débouter.
8. Pas causer dans Toilette
9. Pas laisse urine sauter. Ena punition Qabr.
10. Fer Istibra – nous pour expliquer au bas
11. Appuye lors coter gauche, lors la jambe gauche

12. Pas guet malpropreté et parti priver
13. Servi tissue paper 3 fois en premier
14. Nettoyer avec de l'eau

Comment fer Istibra

1. Kan ene zomme fini uriner, li bizin fer Istibra. Donc, li prend so le doigt au milieu (la majeur) de la main gauche, li apuye li juste après so l'anus et li amène li jusqu'à bout de so parti priver (pénis) avec tous so les doigts. Ene goutte urine pour bizin sorti.
2. Si goutte la pas sorti, touse (toux / cough) ene deux coups.
3. Si la aussi perna narien, frappe ou li pied gauche sur le sol. Ene goutte pour bizin sorti.
4. Si pas tire sa goutte la, kan ou marcher li pour sorti sans ki ou conner. Ou wudhu pour casser et ou linge pour sale.
5. Pour ene madame, li bizin servi so 3 les doigts au milieu (l'index, le majeur et l'annulaire) de so la main gauche légèrement. Li presque même principe ki pour ban zommes mais ban madame bizin fer mouvement / action la plus délicatement.
6. Si nous fine ale la selle, nous bizin servi 3 bout 'tissue paper' pour essuye kot malpropreté la (kot l'anus) avant et après servi de l'eau.

Masla pour Istinja

1. Kan fer istinja bizin pas vire figure et le dos dans direction Qiblah (Ka'bah)
2. Nous bizin servi la main gauche pour nettoye nous
3. Par obligation ou maladie ou handicapé, lerala capave servi la main droite

4. Li makrouh pour fer ene zenfant alle toilette dans direction Qiblah. Sinon li vine gounehgaar
5. Li défend्रे débouter fer Istinja
6. Li makrouh pour uriner allonger ou tout nu
7. Li makrouh pour uriner tête nu parski li kapav attrape maladie sibyaan (crise)
8. Li interdit pour amène dans toilette ban kitchose lors ki ena nom Allah, ban Prophètes (عليهم السلام), du'a etc
9. San aucaine raison pas guet ou parti priver ou malpropreté
10. Pas tarder dans toilette sinon capave développe hémorroïdes
11. Bizin pas cracher ou causer etc
12. Dans l'hiver bizin lave pli bien ki dans l'été
13. Li interdit pour fer Istinja avec les os, charbon, vitre, béton, métal, l'herbe, feuillage, la peau fruit, zamzam.
14. Li défendu pour urine kot dimoune reposer ou kot ena l'ombrage kot dimoune allonger ou assizer
15. Li défendu pour urine en bas ban arbres, dans caro, lors rebord réservoir, la rivière et la mer
16. Bizin ale toilette dans ene place bien fermer et couvert pour ki personne pas trouve en dans toilette.

Kan Sorti Depuis Toilette

1. Sorti avec li pied droite
2. Lire du'a kan sorti (عَفْرَانِكَ الْحَمْدُ لِلَّهِ الَّذِي أَذْهَبَ عَنِّي الْأَذَى) (ghuf raanakal hamdou lillaahilladhi adhaba 'annil adhaa) kan ou en dehors toilette
3. Lave la main bien
4. Fer Wudhu

Conclusion

Chers frères et sœurs, Istinja et Istibra c'est 2 kitchose ki nous bizin fer à chaque fois ki nous alle toilette. Kan nous alle toilette (pour fer Istinja et Istibra) et façon ki nous nettoye nous aussi c'est forme parti de Tahaarat. Nous bizin assurer ki nous nettoye nous bien pour évite punition Allah. Tayammum li applicable dans ban situation ki nous fine déjà mentionné. Sans doute Allah envi ki nous fer tout kitchose pour reste propre. Si nous mal purifier nous, alors ena grand risque ki nous ibaadah pas pour compléter ou même rejeter. Dans l'époque ki nous pe vivre ena beaucoup parmi nous (petit et grand) pas coner couma garde zot propre. Li nous Fard pour cherche l'éducation islamique. In Shaa Allah prochain livret pour lor Haiz, Istihaaza et Nifaas. Nous demande du'a avec Allah pour pardonne nous de nous ban faute ki nous fine fer involontairement dans sa livret la et ki LI (Allah) donne nous hidayat pour pratique So deen couma bizin. Ameen. Assalaamou 'alaikum.

Références

- Al Qur'an Al Kareem
- Hadith Bukhariy Shareef / Sunan an Nasa'i / Sunan Abi Dawood
- Mukhtasar Al Quduri par Imaam Ja'far ibn Hamdan al-Quduri al-Baghdadi (ra) (362 – 428 H)
- Fiqh us Sunnah par Sayyid Saabiq (ra)
- Saheefa par Muhammad bin Yahya Ninowy
- Ihya 'Uloom ud Deen par Imaam Al Ghazzali
- Tahaarat par Mawlana Fayyaz Ahmad Naimi

Liste des publications

1. Wudhu
2. Ghusl et Ghusl Mayyat
3. Tayammum, Istinja et Istibra
4. Haiz, Istihaaza et Nifaas (In Shaa Allah) à venir